

9
Dissertatio Medica

INAUGURALIS,

DE

PARTU:

QUAM,

Annuente summo Numine,

Ex auctoritate reverendi admodum Viri,

D. GULIELMI WISHART S.T.D.

Academiae EDINBURGENÆ Præfeti;

NEC NON,

*Amplissimi SENATUS ACADEMICI consensu, &
nobilissimæ FACULTATIS MEDICÆ Decreto;*

PRO GRADU DOCTORATUS,

Summisque in Medicina honoribus ac privilegiis ritè
& legitimè consequendis,

Eruditorum examini subjicit

STUARTUS THREIPLAND *Scoto-Britannus, A. & R.*

Ad Diem 5 Augusti, horâ locoque solitis.

EDINBURGI:

Apud T. W. & T. RUDDIMANNOS, M. DCC. XLII.

Directorio Médico

de la Ciudad de México

1888

A. T. R. A.

Imprenta de la Ciudad de México

G. T. R. A. V. I. D. A. T. A.

Imprenta de la Ciudad de México

1888

Imprenta de la Ciudad de México

Imprenta de la Ciudad de México

Imprenta de la Ciudad de México

Imprenta de la Ciudad de México

Imprenta de la Ciudad de México

Imprenta de la Ciudad de México

Imprenta de la Ciudad de México

Imprenta de la Ciudad de México

Imprenta de la Ciudad de México

Imprenta de la Ciudad de México



Speṣtabili ac perquam erudito Viro,

JOANNI CLERK

PRÆSIDI,

Reliquisque inclyti & florentissimi Collegii Regii Medicorum quod Edinburgi est Sociis;

Ob egregiam in omni literarum genere, nominis famam consummatam præsertim, longoque & indefesso usu collectam, in re medica experientiam, longè latèque celeberrimis:

Hunc primum ingenii sui foetum,

*Qualecunque observantiæ
ipsius monimentum,*

D. D. D.

STUARTUS THREIPLAND.

Digitized by the Internet Archive
in 2019 with funding from
Wellcome Library

<https://archive.org/details/b30780901>



Differtatio Medica,

De Partu.

QUEMADMODUM nihil generatione animalium frequentius, neque majoris momenti ad nobilissimam mundi visibilis partem, in perpetua mortalium inter se succedentium serie, continuandam; ita nihil generi humano utilius esse potest, quàm modum scrutari investigareque, quo tutò & feliciter in vitæ lumen producat quod in tenebris genitum fuit. Cumque corpus humanum in quovis statu ad medicinam spectet, sic ejus in partu conservatio Medico summæ debet esse curæ. Hac de causa me tempus haud inutiliter impensurum existimavi, si studerem & investigarem quo modo, tum mulieres, tum infantes, in difficili & periculoso partu conservari possint. Atque ut institutis hujus Academiæ, inter erudi-

A

tos

tos per orbem terrarum tam meritò celebris, morem gererem, specimen hocce in publicum prodit.

In hac autem dissertatione agetur de iis quæ ad chirurgicas partes in puerperio spectant. Et ne limites opusculi hujus generis excedam, infinitos ferè morbos, aliaque ante, sub aut post partum accidentia, etsi ad medicinam propius spectare possint, vel intacta relinquam, vel leviori calamo transibo. Abortiones etiam, quamvis eæ crebræ sint, quia tamen in his neque foetus perfectus est, neque tempus puerperii completum, silentio præterire visum est. Partium quoque situs & descriptio anatomica præcognita supponuntur; quare & iis insistere haud fuerit opus.

I. Mulieres plerumque novem menses uterum gerunt, quibus ferè peractis, appropinquantis laboris symptomata incipiunt. Aliquot ante puerperium diebus abdomen decidit, vel * “ superiores partes graciliores fiunt, & extenduntur loca super pectus & inguina, & frequenter urinæ desiderium nascitur:” quoniam caput infantis, quod hætenus foetus erectum in utero tenebat, nunc, cum humoribus quibus innatat specificè ponderosius evadat, in pelvim illabitur, pedesque sublevantur, ita ut facies ossi coccygis materno obversa, & vertex ad os uteri applicatus sit. Atque hic est infantis in omni partu naturali situs. Quamvis hæc abdominis mutatio felicem partum, infante benè posito, portendat; sæpè tamen matri molesta est, quòd facis intestinalis lotique excretionem impediat, & verenda, capite viscera in pelvim premente, turgeant. Obstructio sanguinis ex vagina redeuntis copiosam lubricissimi linimenti, ad inungendum & laxandum transitum, excretio-

* Petr. Forestus, observ. 71. lib. 28. Deventer. ars obstetricandi, cap. 18.

nem excitat: quod sanguine tinctum, nixum non procul abesse indicio est.

II. Nunc foetus motus nixusque eò vehementiores ad carcerem effringendum habet, * quò coërcitio molestior, & fæx intestinalis lotiumque acriora & ponderosiora sunt: hi motus matri violentos cruciatus, ad certa intervalla repetitos, excitant, tenesimum creant, & uterum & musculos abdominales, maximo cum matris dolore contrahunt. Hos aliquando alii vehementiores † colici hysterice dolores, *spurii* seu *falsi* nuncupati, quoniam partum impediunt, comitantur; quos à prioribus distinguere oportet, quia illos, nempe *veros*, incitare, hos autem sedare opus est. Veri à lumbis incipiunt, inde per totum abdomen se porrigunt, femora afficiunt, & sæpè tremorem genibus creant, & tenesimo foetus violenter deorsum pellitur in pelvim, unde os tincæ dilatatur. At falsi in superiori & media potissimum ventris parte percipiuntur, & nullum creant conatum expellendi foetum. Sed inter se certè & probè distingui non possunt nisi tactu: quapropter obstetricem, unguibus resectis & digitis unctis, unum vel alterum digitum in vaginam usque ad os tincæ introducere oportet; quod in veris doloribus maximè dilatatum, in falsis doloribus os uteri magis contractum, & membranas humores continentes relaxatas, nullâ vi ad foetum expellendum applicatâ ea inveniet. Eos igitur phlebotomiâ, quæ nullum incommodum ante partum afferre potest, vel opio & medicamentis antihystericeis vel emollientibus coërcere liceat.

III. Postquam genuini, tempore partûs appropinquante, dolores à spuriiis seu ventris torminibus distinguuntur, tum

* Hermannii Boerhaavii instit. medicæ, § 685. † Devent. ars obstet. cap. 17.

obstetrix explorare debet, (tunc temporis præsertim quando nihil puerperæ adsit doloris) partusne futurus sit *naturalis* an *non naturalis*. In partu *naturali*, matris utero in ipso medio pelvis sito, vertex infantis ad os uteri primùm pervenit, facie adversus matris dorsum positâ. Hæc conditiones nonnullæ res adversæ quandoque comitantur, quibus partus naturalis difficilis redditur. Per partum *non naturalem* omne intelligitur partûs genus, in quo matris uterus ad hoc vel illud pelvis latus conversus est, vel foetus ullam aliam corporis partem præter verticem emittit, vel ullo alio quàm quem jam diximus modo situs est: in quibus omnibus, si etiam accedat matris vel infantis prava constructio, partus magis adhuc difficilis fit. In tali phænomeno res ipsa auxilium postulat. Sed antequam membranæ humores continentes rumpantur, non facile est, nisi multum in arte versatis, explorare quæ pars foetûs orificio uteri objicitur: hisce verò membranis ruptis facillimum est partem quamlibet ab alia tactu distinguere. Et hoc quamprimum faciendum est, ut infaustus præcaveatur eventus; nam partus non naturalis, opportuno expertæ manûs auxilio, prosperum eventum æquè ac naturalis habere potest: sed absque hac idonea & tempestiva ope, difficilior & periculosior necesse est evadat. Indice vel duobus * prioribus digitis unctis, & in vaginam immissis, figuram & situm oris uteri exploret obstetrix. In partu naturali os tincæ mediam † occupat pelvis regionem, quia caput infantis recte prolapsum est: sed in non naturali altiùs suspenditur è pravo situ infantis; & ab uteri obliquitate ad unam vel alteram pelvis partem inclinatur, unde ægrè possit attingi. In partu autem naturali ‡ humores membranæ

* Devent. ars obstet. cap. 19. † Id. cap. 16, 18. part. 2. cap. 5. exam. 1.
‡ Id. cap. 40. part. 2. cap. 5.

contenti in latitudinem sese complanant, neque longè in os uteri delabuntur, quia caput infantis undequaque os tincæ premit: contrà in partu non *naturali* humores in longitudinem sese coarctant, & instar herniæ prodeunt; quia ore uteri non obturato, aquæ undequaque pressæ quâ data porta ruunt. Atenim hoc aliquando non evenit, nam nates meatum obturare possunt.

Partus naturalis.

IV. **I**N partu naturali os tincæ & vagina ita dilatari debent, ut simul cum utero unum æqualem & continuum canalem efficiant: ergo * membranas humores continentes priùs rumpere non oportet quàm os uteri satis apertum sit; nam quamdiu aquæ retinentur, dilatatio gradatim conficietur, & tempore nixûs partes lubricabuntur. Intereà semper cavendum est ne urina & fæx alvi supprimantur: hæc ergo cienda est ope clysteris emollientis, illa ope catheteris emittenda.

V. In hoc partu mulieris situs debet esse medius inter sedentis & recumbentis in dorsum, vel in lecto, vel in sella idonea †; sit os coccygis à compressione liberum, femora disjuncta: pedes sustineantur, calcibus retro versus nates ductis; aliquid etiam utrâque manu constringat mulier, quò validiùs ad expellendum foetum niti queat. Nonnullæ etiam stantes, vel in genua provolutæ parturire malunt.

VI. Si tum matris tum infantis habitudo bona sit ‡, haud opus erit auxilio; os uteri tantùm, vagina & partes adjacentes oleo, butyro recente vel pomato inungenda sunt: ac quamprimum caput extra vaginam prodit, id manibus

* Devent. ars obstet. cap. 31. † Id. cap. 26. Heisteri instit. chirurg. p. ii. sect. v. cap. 152. § 1. ‡ Devent. ars obstet. cap. 23.

apprehendere oportet; tunc leniter trahendo deorsum, versus intestinum rectum foetus facilè extrahetur: quo factò, ita collocandus erit, ne aquis aut recrementis subsequenti-
bus suffocetur. Funis umbilicalis filo quadruplici aut sex-
tuplici, ad longitudinem duorum vel trium pollicum à cor-
pore infantis, ligandus est, atque ad distantiam unius pol-
licis extra hoc dissecandus.

VII. Si gemelli vel plures fuerint (quod dignoscitur si
membranæ adhuc in utero aquis distentæ reperiuntur) pla-
centa primogeniti non prius auferenda est, quàm omnes
pariantur, ne forte hæmorrhagia moveatur, vel placentæ
reliquorum unà divellantur, quod funestum foret: itaque
funis umbilicalis matris femori alligandus est, usquedum o-
mnes nascantur.

VIII. Secundinæ educendæ sunt lentè trahendo funem
umbilicalem *: si autem non expeditè sequantur, dum al-
tera manus funem umbilicalem digitis obvolutum tenet,
altera per eundem in uterum adhuc satis apertum immiten-
da est, ut digitorum extremitatibus secundæ ab utero sepa-
rentur. Si funis umbilicalis ruptus fuerit, manus introdu-
cta placentam plerumque superiori & anteriori uteri parti
† adhærentem inveniet, à qua incipiendo à margine segre-
ganda est.

IX. Si uterus obstetricis imprudentiâ in secundis avel-
lendis invertatur, extemplo in situm naturalem reduci de-
bet; quod hoc modo efficitur ‡. Matre resupinatâ, coxis

* Quamvis Deventerus, cap. 28. strenuè manum in uterum ad secundas au-
ferendas semper introducere suadeat, attamen mihi videtur damnosum id face-
re, quando placenta promptè & non ægrè evelli potest: nam dum uterus per
immissam manum apertus est inutiliter, ab injuria aeris periculum erit. Neque
puto uteri jam se contrahentis situm meliorem futurum per manum in eo re-
tentam; nam cum hæc tandem educenda fuerit, uterus non minus obliquè se
contrahere potest. † Edinburgh medical Essays, Vol. 2. Art. 9. ‡ Ruisch.
obs. anat. 10. Heisteri instit. chirurg. p. ii. sect. v. cap. 157. § 5.

sublatis, & secundis si adhuc cohæreant resolutis, chirurgus inferiorem partem uteri procidentem, primò in vaginam ope digitorum, deinde & uterum & vaginam in pelvim sive locum naturalem, manu in uterum introductâ, collocare debet.

X. Post foetum in lucem editum & secundas extractas, si sanguis, sublata jam resistentiâ, nimia violentiâ ruat in aortam descendentem, ortum præbet lypothymia, syncope, convulsionibus & id genus aliis; quibus occurritur ventrem fasciâ latâ leniter constringendo. Mater deinde in lectum calidum componenda, femoribus ad se invicem adductis & cruribus extensis, linteoque modicè calefacto ad naturalia apposito, ne uterus ab aëre frigido lædatur, lochiaque reprimantur; cavendum denique ne vel sollicitudine vel strepitu perturbetur. In cibo & potu mediocritas observanda; nam vires dejectæ magnam cibi copiam coquere nequeunt.

Paucis autem hîc loci differendum venit de eo, qui cuique mulieri post partum evenit *Lochiorum*, hoc est, sanguinis ex vasis uteri fluxu; qui quidem primò floridus ruberque magnâ copiâ fluit, paulatim verò minuitur magisque dilutus fit & pallidus, donec tandem desinat. Varietas tamen quædam hîc contigit quoad lochiorum copiam, colorem & durationem, pro variis mulierum temperamentis. Ut horum phenomenôn ratio reddatur, considerandum venit uterum gravidum magnopere extendi *, eâdem interea manente ejus crassitie atque antea; hincque vasa sanguinea necessariò augeri. Uteri fundum obtegit peritonæum: ipse constat † permultis crassis, musculosis & elasticis fibris, & Ruischii ‡ musculus orbicularis ad ejus fundum inveni-

* De Graaf de mulier. organ. † Malpig. dissert. ad Sponium, de uteri compage. ‡ Ruisch. adv. anat. dec. 2. n. 10. dec. 3. tab. 3. fig. 1. tractatio anat. de musculo in fundo uteri.

tur. Intus tenui membranâ tegitur, per quam vasa sive tubuli à cellulis seu sinibus uteri provenientes suos effundunt liquores. Hi sinus ipsius uteri substantiæ inhærent; & tum illi, tum eorum canales, dum mulier uterum gerit, * adeò distenduntur & augentur, ut apicem minimi digiti jam admittere possint, qui antea ne quidem stylum admitterent. Uteri multæ sunt arteriæ & venæ sine valvulis, à spermaticis, hypogastricis & hæmorrhoidalibus vasis ortum ducentes, quæ numero pene infinitæ, variè complicatæ & contortæ, inter se invicem per anastomosin communicant, earumque ramuli laterales in cellulas sive sinus aperiuntur. Per arteriosos ramulos liquor blandus mucosus sudat; rubri verò sanguinis globuli non prius per eos transeunt, quàm momento sanguinis per plethoram aucto hi ramuli distendantur: tunc quidem sanguis floridus & ruber effunditur, qui purgationem menstruorum constituit. Idem fit, si sanguis in suo per venas reditu impediatur; ni enim liber per venas detur ei transitus, sanguis arteriarum ramulos capillares ita dilatat ut purus exeat. Atque ipsæ quoque venulæ laterales, quæ humorum tenuiorum resorptioni inserviunt, arteriarum exhalantium vicibus quandoque fungi possunt. Si enim comprimatur vena super ramuli istius ortum, dum sanguinem ab arteria sua accipit, neque transmittere potest, accumulatus humor lateralis rami orificium eousque dilatabit, ut per eum regurgitans effluat. Quemadmodum in omnibus arteriis vis propellens fortior est, & circulatio velocior, quàm in venis; ita minore compressione obstruuntur hæ quàm illæ. Hinc post amputationem major fit hæmorrhagia, si membrum nimis arctè obligatum fuerit, (nam omnes arteriolæ suos effun-

* Morg. adv. anat. 4. animad. 24. Edinb. Medical Essays, Vol. 2. Art. 9.

dent liquores) quæ relaxatâ fasciâ sedatur. Sic cur lochia fluere pergant rationem tenemus. Quamprimùm enim fœtus ac secundinæ, quibus uterus fuerat distentus, abstrahuntur, fibræ musculares fortiter se contrahunt, ac sanguinem ex arteriis venisque uterinis jam ampliatis protinus expellunt. Hæc verò contractione venæ obturantur, dum circulatio in arteriis compressionem superat, rubrumque sanguinem in sinus usque impellit, donec fluidi momentum evacuatione minuatur, & arteriæ elasticitate suâ diametros solitas assequantur. Sicut hæc pedetentim fiunt, ita lochia gradatim minuuntur, & colore rubicundo excidunt.

Cùm matri, quamdiu uterum gestabat, duo corpora alenda essent, ad hoc necessaria erat major sanguinis quantitas: nunc verò, altero corpore ablato, utilissima fit hæc purgatio ad dictam quantitatem minuendam, corpusque ad statum priorem reducendum. Atque hæc ita se habere arguunt lochiorum suppressorum pravi effectus.

Fieri potest ut hæc evacuatio minor sit justo, vel omnino supprimatur; vel, è contrario, consuetum excedat: quæ omnia unà cum causis suis, ex symptomatis, ex habitu corporis & pulsu, dijudicanda veniunt.

Si lochiorum ex defectu sanguinis in matre diminutio fiat, haud opus erit evacuatione; neque enim quid sequitur incommodi: in tali casu diæta idonea analeptica tantummodo requiritur.

Lochia imminui vel sisti possunt nimîa fibrarum uteri contractione, vel arteriarum elasticitate, vel fluidorum viscositate; frigidus etiam aër in uterum ingressus vasa contrahere potest. In his omnibus indicationes sunt, vasa relaxare, & fluida attenuare, medicaminibus præcipuè quæ humectant, leniunt, emolliunt, tam internè quàm externè.

Si uterus, post frigus susceptum, potum frigidum, aut perturbationes animi, spasmodicè contrahatur, ut in affe-

ctionibus hyftericis, tum lochia imminuuntur, vel penitus sistuntur: aliquando etiam ex febricula lactea retinentur; febres, inflammationes ac alia gravia mala ab iis excitari possunt, prout in hoc illudve viscus rapiuntur. Indicatio curativa est, ut lochia rursus fluant, ut febris removeatur, & inflammatio resolvatur; quod efficitur iis, quæ vias laxant & referant, & antihyftericis lenioribus, quibus spasmus tollitur.

“ Requiruntur, *inquit Cl. Boerhaavius*, * antacida
 “ lenia, ad labem acidam feri sopiendam; diluentia lenia
 “ ex hordeatis, avenatis, amygdalatis jusculis; aperien-
 “ tia specifica lenissima ex moderatè cardiacis & uterinis;
 “ aperientia localia, clysmata, fomenta, cataplasmata, em-
 “ plastra, linimenta, cucurbitæ, pessaria, suppositoria.”

Si verò symptomata urgeant, opiata lenia prodesse possunt: & evacuationes aliæ ciendæ. Aliquot post partum diebus leniter purgantia sæpè juvant. Venæ sectio autem, quia vires vitæ jam puerperio magnopere debilitatas ulterius adhuc deprimeret, & sanguinem ab utero revelleret, non adhibenda est, nisi urgente summâ necessitate; quando nimirum pulsus plenus, durus, celer ac fortis; & tum quidem in pede, quò sanguis versus uterum revocetur, hujusque copia minuatur.

Considerandum erit, si mater ipsa infantem lactatura sit, mammas esse fovendas: neque enim opus erit ut lochia tamdiu fluere pergant, quia lac hujus evacuationis vice quodammodo fungitur. Sin aliter, mammæ non adeò fovendæ, lochia verò, quò diutius fluant, cienda: unde lactis quantitas minuetur, & mammæ inflammationibus, suppurationibus, schirrhis, canceris minùs erunt obnoxia. Per-

* Aphor. § 1331.

nicioſa valdè eſt obſtetricum quarundam aliorumque praxiſ, qui, ut lactis ad mammas acceſſionem arceant, acetum applicant; quod quidem, lac coagulando, dictos pravorum effectus creat, qui, ſicut ferè omnes à lacte morbi, antacidis corrigendi ſunt. Cum igitur lac mammas diſtendit, exſugendum erit dum tolerare poſſunt, quantitate paulatim imminutâ donec evanuerit.

Lochiorum nimius fluxus cognoscitur, ſi ægræ vires, ſpiritibus exhaustis, dejiciantur: ergo ſi pulſus debilis, parvus & frequens fuerit, cum aliis ſymptomatis debilitatis conjunctus, tum purgatio nimia eſt. Quod fit ex debilitate aut relaxatione arteriarum, vel “ * A nimia fluiditate, “ agitatione ſanguinis, vel ut plurimum à foetu alio, ſecundinis vel grumis ſanguinis in utero retentis, ejus “ contractionem impredientibus. Si à retentis, hæc manu “ educenda. Si ab affectu animi, ſanguine nimis fluido, “ nimis agitato, concurrendum ad hordeata, gelatinas, emulſiones, opiata, adſtringentia.” Debilitati & relaxationi arteriarum eodem ferè modo medicina fit.

Partus naturalis, ſed difficilis.

XI. **M**ulta accidere poſſunt, quæ partum naturalem difficilem reddant; nam licet foetus in ſitu naturali progrediatur, plethorâ † tamen matris impediri poteſt, quâ vaſa majora extenduntur, minora comprimuntur: hinc, ſuffocatio in liquidis; inertia, deſidiaque corporis: vaſa uteri, vaginæ partiumque vicinarum ſanguine adeò turgent, ut ægrè dilatari queant. Quo in caſu phlebotomia tem-

* Hermannii Boerhaavii aphor. § 1325, 1326, 1327. † Id. inſtit. med. § 781. aphor. § 106.

pore laboris expedit, opiumque adhibitum partium contractionem magnopere diminuit.

XII. Si matri ad pellendum foetum etiam bene positum non suppetant vires, * hæ excitandæ sunt ope eorum medicamentorum quibus vigor renovatur, & dolores augentur, ut uterinorum cardiacorum, sternutatoriorum & clysterum acrium.

XIII. Quicquid † circa os uteri, vaginam vel partes adjacentes impedit partum, ante id tempus, si fieri potest, sanandum vel auferendum est; id quod Medicus peritus pro re nata præstare valebit.

XIV. Aliquando caput infantis rectà prodit, & de improvviso foetus in ventrem regreditur, ut attingi non possit: tum præsagium funestum est, quia uterus rumpitur. In hoc casu foetus per pedes eximi debet, si fieri possit; sin aliter, per sectionem Cæsaream ‡ illico educendus est, alioquin & mater & foetus brevi morientur.

XV. Aliud est incommodum quod in partu naturali evenit, viz. uteri in vaginam vel extra corpus prolapsio, ** quæ pelvis latitudini & oris uteri rigiditati adscribenda videtur: nam si pelvis ossa uterum non sustineant, donec caput infantis sensim os tincæ extendat, omnia in vaginam, & aliquando extra corpus delabentur. Quamobrem obstetrici explorandum est, an caput infantis coronatum sit, i. e. an os uteri non laxatum, verticem circumdet instar annuli; nam si ab initio operam det uterum sustinere tempore laboris, digitis sustinendo, & dilatando os tincæ, usquedum à capite distendatur, mulier facilè parturire potest. Sed si matrix cum infante prolabatur, tum †† foetus illico educendus

* Hermannii Boerhaavii aphor. § 1312. † Ibid. § 1313, 1314, 1315. ‡ Heisteri instit. chirurg. part. ii. sect. v. cap. 113. § 14. ** Ruisch. obs. anat. 9. Devent. ars obstet. cap. 23, 27. part. ii. cap. 3. †† Moriceau maladies des femmes grosses, liv. 2. chap. 16.

est dilatando os uteri, (quod in hoc casu plerumque difficile reperitur, quia versus os coccygis vertitur) & uterus in situm naturalem remittendus, (§ ix). Aliquando ligamenta uteri & partes circumjacentes adeò relaxantur, ut exinde uterum in loco proprio, absque ope * pessi & idoneorum remediorum adstringentium, retinere non possint.

XVI. Infans bene positus caput inter ossa pelvis ita fixum habere potest, ut nec sursum nec deorsum propelli queat; quod ex capitis amplitudine, vel pelvis angustia, accidit: † uterque casus æquè gravis, & eo gravior, si partus ficcus sit, i. e. quando humores jamdudum defluerunt, & partes aridæ relinquuntur. Quæstio est magnopere inter Anatomicos agitata, num pelvis ossa tempore partûs sejungantur? Mihi clarissimi Professoris nostri Alexandri Monro, hoc tantummodo ‡ in casibus raris, & extra consuetum naturæ ordinem positis, nec sine summo matris incommodo evenire asserentis, sententia rationi maximè consentanea videtur. In hoc diuturno labore, meatus linimentis quantum fieri potest lubricandus & dilatandus est: quapropter manus oleo inuncta, in vaginam introduci, & digitorum extremitates in os uteri usque ad caput infantis immitti debent; ut dolores integrascunt, ** os coccygis manus parte aversâ prudenter retroagendum est, quod & transitum dilatat & dolores stimulat; & simul divaricando digitos, os uteri ita patefaciendum erit ut infans egredi possit: deinde manus sensim educenda est, ut caput foetus procedat. Mater intereà totis viribus eniti debet, ut foetus expellatur. Sin verò hæc omnia minùs succedant, tum for-

* Heisteri instit. chirurg. part. ii. sect. v. cap. 157. § 8. Devent. ars obstet. cap. 29. † Devent. ibid. cap. 27. ‡ Monro's Anatomy of the human Bones, last Edit. p. 214, 197. ** Devent. ibid. cap. 27.

ceps D. *Dusé* * utilissima potest esse ad extrahendum foetum vivum. Si certum fuerit foetum mortuum esse, cujus cognoscendi ratio postea tradetur, tunc uncis † evelli potest. Sed quia unci uterum vel vaginam lœdere possunt, infans educendus est ope *ductoris capitis Mauricæi*, Galicè *tire tête* dicti; vel cochleæ, ‡ quâ pari successu, & minore cum molestia, uti possumus. Hæc majore cranii diametro longior est, ita ut torquendo cochlea firmari possit in basi cranii, præcipuè in media & posteriore ossis sphenocoidis parte, ubi cranium crassius est; quæ pars si trahendo frangatur, ut mater cochleæ lœdatur minus est periculi. Si caput tantæ sit magnitudinis, ut nullâ ope educi possit; tum ad conservandam matrem, cranium aperiri & cerebrum digitis extrahi debet. Cum caput foetus plerumque largius sit ullâ aliâ corporis parte, hoc protruso, corpus illico extrahendum est, ne os uteri circa collum constringatur. Aliquando humeri, ** utpote ampliores, in metu hærent; quo in casu digitis sub axillis infantis immisissis, vel brachiis ejus deductis, corpus eximi potest. Si post hæc abdomen adeò hydropicum sit ut partum impediat, tum aqua idoneo instrumento exhaurienda est.

Partus non naturalis.

XVII. **I**N partu præter naturam nihil ad excitandos dolores †† adhibendum est: nam ubi infans malè situs

* Edinburgh Medical Essays, Vol. 3. Art. 20. Commodius erit, si vice clavi mobilis, qui in cardine est, substituatur fibula alteri maxillæ seu laminæ instrumenti infixæ, altera autem lamina habeat unam aut plures incisuras, quæ fibulam facile complecti possint ad axim hujus cardinis faciendum. † Heist. inst. chirurg. part. ii. sect. v. cap. 152. § 17. ‡ Cochleam hanc mecum communicavit doctissimus vir Tho. Carmichael, M. D. Perthenensis, constat autem sic parvâ chalybea, cui lamina ejusdem materiæ in spiram, formâ cochleæ ad subera extrahenda adhibitæ, convoluta circumducitur. ** La Motte des accouchmens, liv. 3. chap. 24. †† Heisteri instit. chirurg. part. ii. sect. v. cap. 152. § 7.

est, magis magisque doloribus in meatu figetur, & his inutilibus nixibus matris robur absumetur. Sed obstetrix, quando aqua effluxit, partem delapsam inhibere debet ne inter ossa figatur, aliter perdifficile esset manum in uterum immittere: quapropter ubi constat situm esse non naturalem, discerpere membranas necesse est, & illico per pedes infantem extrahere, ut postea monstrabitur.

XVIII. In partu non naturali mater variè locari debet pro vario infantis in utero situ, quò foetus faciliùs ex situ pravo divertì possit, partusque naturalis evadat. Sed cùm foetus per pedes educendus est, tum mulieri lectus vel mensa idoneæ altitudinis sterni debet, coxis levatis, ita ut infans in uteri fundum relabi possit, quo chirurgus faciliùs manum utero immittere foetumque per pedes apprehendere queat. Mensa autem vel cubile ejus sit altitudinis, ut obstetrix pedibus insistens & erecta manum operi admovère, majoremque vim exerere possit.

XIX. Obliquus uteri situs, * qui varias infantis capitis positiones producit, variè partum impedire potest: nam si fundus uteri super os pubis propendeat, os tincæ cum foetus capite in oppositam pelvis partem, nempe os sacrum, ita impingit, ut caput in pelvim delabi nequeat: è contrario, si uterus in spinam dorsi nimis reclinet, fieri potest ut caput in os pubis figatur; item si uterus in alterutrum latus se obliquet, caput in opposito latere affigetur. Hæc omnia tactu facilè distingui possunt: nam obstetrix os uteri altè suspensum inveniet, & vix nisi inferiorem oris uteri partem tangere poterit, quia id alicui ossi pelvis obversum est. Inde dignoscitur uterum in oppositam partem inclinare. In his omnibus commodissimum & promptissimum

* De obliquitate uteri fusiùs agit Deventerus toto suo libro de arte obstetricandi, & Heisterus in instit. chirurg. part. ii. sect. v. cap. 152, § 16.

est manum in uterum immittere, & infantem per pedes educere: fieri enim potest, ut post multam navatam operam, quò caput in pelvim deducatur, humeri super idem os figantur; quo in casu neque magnitudo capitis humerum chirurgi manu sublevare sinet, neque jam foetus per pedes extrahi poterit. Sed si caput in pelvim illapsum fuerit, & partus impediatur præ humerorum situ transverso super ossa pelvis, tunc matre in situm idoneum collocatâ, quò corpus infantis rectius in meatum incidat; si spatium sit, inter caput & vaginam inferatur unus aut alter digitus ad submovendum humerum ab ossibus pelvis; & eodem tempore trahendo caput infantis versus oppositam pelvis partem, ubi humerus figebatur, totum corpus facile deduci potest. Quando caput vel humeri ossi pubis impinguntur, deprimi possunt manu applicatâ ad partem externam abdominis, immediatè super os pubis sitam. Si caput peramplum sit, ut digitus id præterire nequeat, tum methodo quam supra diximus (§ xvi.) procedendum est.

XX. Ubi caput infantis procedit, sed facie ossi pubis obversâ, partus non magni est laboris, dummodo mater in situ apto collocata sit, quoniam vertex ossi coccygis innititur, ergo nixus ossi superincidet. Muliere igitur stante, vel in situ erecto collocatâ, caput infantis vaginæ & ori uteri instabit: idcirco tempore doloris urgentis obstetrix digitis os uteri, quod versus os coccygis multum vertitur, in partem anteriorem pelvis movere debet. Cavendum autem est ne facies infantis tangendo lædatur.

XXI. Sæpè infans alteram aurem vel tempus obvertens procedit, * qui perdifficilis est partus, quoniam humerus super os pubis ita affigitur ut exire nequeat: quamobrem si

* La Motte des accouchemens, liv. 3. chap. 22.

primò foetus in situm naturalem facilè verti non possit, tum statim per pedes invertendus & extrahendus est.

XXII. Ad foetum per pedes educendum, * quando nullus est dolor, Chirurgus manum bene inunctam in uterum introducere debet. Os verò uteri dilatetur immittendo unum digitum, deinde alterum, & sic deinceps, donec sensim tota manus ingrediatur: tum pedes apprehensi, leniter & caute educendi sunt, ne crura luxentur vel frangantur. Si uterque pes eodem tempore non inveniatur, tum primus in vaginam deducendus est, ibique manu vel fasciâ largâ retinendus, donec alter deducatur. Si fortè gemelli in utero sint, † cura habenda est ut pedes ad eundem foetum pertineant, aliter simul in lucem edi conabuntur; quapropter necesse est investigare an uni eidemque corpori adjuncti sint: deinde dolore irruente & matre connitente, obstetrix seu Chirurgus foetum prudenter extrahat. Quando foetus usque ad graciliorem dorsi partem pervenerit, ejus positionis ratio habenda est: nam si venter ossi pubis obversus sit, semper ad os sacrum verti debet; aliter mentum ossi pubis impinget, unde partus perdifficilis fiet. Sed si imperita obstetrix hoc non animadverterit, & mentum instar unci ossi pubis inhæreat, tum introducendo ‡ unum vel alterum digitum inter os pubis & faciem, & premendo versus intestinum rectum, caput infantis educi potest; idque promptiùs, si eodem tempore adjutor corpus foetus attollat, ita ut occiput primum prodeat. Postquam foetus pronus & ad axillas pervenerit, brachia educenda sunt; unum vel duos digitos immittendo, usque ad ejus cubitum, ibique articulum flectendo, brachium facile educi potest si-

* Devent. ars obstet. cap. 45. Heist. instit. chirurg. part. ii. sect. v. cap. 152. § 10. † Devent. ars obstet. cap. 44. Heist. instit. chirurg. part. ii. sect. v. cap. 152. § 11. ‡ Heist. loco citato, § 14.

ne ossium fractura ; quæ evenisset si vis medio ossi humeri vice articuli applicata fuisset : & eodem modo cum altero brachio procedendum est. Suadent nonnulli * brachium relinquere : sed hoc partum difficiliorem redderet, cùm caput infantis aliâ quacunque corporis parte per se multo largius sit ; itaque brachium cum eo simul prodiens amplitudinem maximè augebit ; & relinquendo brachium id solùm commodi proponitur, ne os uteri circa collum infantis constringatur : sed hoc præstantius manu Chirurgi sublevari potest ; nam brachium secundum temporum planitiem erectum vix repugnantiam menti & occipitis inæqualitate factam impedire potest ; at infantem super alteram manum † ponendo, & unum vel duos digitos ejusdem manûs in ore ‡ infantis introducendo, præcavetur ne uterus circa collum contrahatur. Eodem verò tempore duobus digitis situs capitis mutari debet, mentum propiùs collum adducendo ; quo pacto & largissima capitis inter progrediendum diameter minuitur, & inæqualitates menti & occipitis removentur. Postquam infans ita super hac manu situs est, pars colli posterior & humeri, per quæ excutiatur, alterâ manu excipienda sunt : & simul corpus infantis versus os pubis allevari debet, quod magnopere conducit ad directionem meatûs promovendam **.

Si, dum foetus per pedes extrahitur, caput propter suam amplitudinem ita in meatu hæreat, ut collum ferè diffrin-

* Devent. ars obstet. cap. 45. Heist. instit. chirurg. part. ii. sect. v. cap. 152. § 14. † La Motte des accouchemens, liv. 3. chap. 18. ‡ Heisterus in loco citato, post Hoornium, præcipit manum sub collo ultra mentum & os foetus in uterum demittere, digitisque duobus maxillam inferiorem & superiorem ita prehendere, ut nasus in medio inter digitos sit, ne tenera maxilla violetur, vel omnino evellatur: verùm præstare videtur quem diximus modus, quo digitus unus aut alter in os immittitur, non ut caput eis excutiatur, sed ad ejus situm accommodandum ; qua ex re maxilla minimè periclitatur. ** Deventerius, cap. 45. contrarium docet, nempe infantem deorsum versus intestinum rectum trahere ; sed quia in hoc casu occiput ab ossè pubis maximum impedimentum habet, quando corpus levatur, id obstaculi commodiùs tollitur.

gatur, tum caput educendum est ope instrumenti, quale est forceps D. *Dusé*: ita facilius evelli potest, quàm si caput discretum fuisset à corpore; quia caput non fixum & globosum ex forcipe evadere posset. Si verò caput à corpore divulsum fuerit, Chirurgus, manu in uterum introductâ, indicem vel duos priores digitos in os infantis immittendo, & pollicem sub mentum applicando, per maxillam inferiorem caput evellat. Eodem ferè modo per foramen magnum ossis occipitis extrahi potest, vel hamo * capiti infixio. Si neutrum succedat, tum maximè idonea erit bursa satis capax ad caput recipiendum & educendum. Si caput per amplum sit, ut transire nequeat tum; scalpello aperiendum est, ut cerebrum exire possit.

XXIII. Si caput & brachium eodem tempore descendant, & in pelvim ita figantur, ut non facilè fuerit brachium reducere; utrumque exire potest sine magno incommodo.

XXIV. Si manus & brachium descendant, non opus est eas intro retrudere †; nam plerumque adeo in meatu figuntur & tument, ut ferè impossibile sit id fieri, quoniam promptius erit brachium frangere vel uterum lædere, quam locum invenire, cùm uterus fortiter contrahatur & brachium turgescat: quare commodius erit vaginam & os uteri dilatare, quàm premendo foetum utero vim inferre. Tum manum sub brachium infantis introducere, & pedibus apprehensis foetum, ut jam dictum est (§ xxii), extrahere oportet. Dum pedes egrediuntur, brachium plerumque retrahitur; quoniam in utero plus spatii est, situsque infantis mutatur: & licet brachium non regrederetur, parum incommodi exinde eveniret.

XXV. Modò diximus inutile esse brachium delapsum re-

* Mauriceau des maladies des femmes grosses, liv. 2. chap. 15. † La Motte des accouchemens, liv. 3. chap. 3 & 32. Heist. instit. chirurg. part. ii. sect. v. cap. 152. § 9, 10, 11.

ducere, in partu non naturali; idem * de alia quavis parte intelligendum, tum propter easdem rationes (§ xxiv), tum quia pars plerumque primo urgente dolore in pravam situm revertitur. Attamen si Chirurgo id facere visum fuerit, cavendum est ne partem remittat, dum uterus se contrahit; ne nimiam violentiam uterus rumpatur, quod lethale esset.

XXVI. Quando nates primæ in partu apparent, † quamprimum aquæ erumpunt, foetus per pedes educendus est; quo facto dislocationes & compluria mala impediuntur, quæ aliter evenissent si foetus duplicato corpore eductus fuisset. Si nates ulterius protrusæ fuerint, vel inter ossa pelvis figantur, & vigor sit matri; tum foetus per nates educi potest, introducendo unum vel duos digitos ad inguina ex utroque latere, quibus sicut uncis tempore laboris extrahi potest. Postquam foetus ad graciliorem dorsi partem pervenerit, tum pedes deducendi sunt, & infans, uti supra memoratur (§ xxii) extrahendus.

XXVII. Si genu, pes, abdomen, dorsum vel denique ulla alia corporis pars, præter caput, in situ naturali, procedat, tunc foetus per pedes extrahendus est (§ xxii), & quociens, postquam membranæ humores continentes ruptæ sunt, eò melius; nam tunc temporis matrix non adeò circum infantem se contrahit, ac paulò post, quando difficilius erit manum in utero versare ad pedes infantis inveniendos. Tempus non terendum est sæpè iterando conatus partum non naturalem in situm naturalem deducendi ‡, ob rationem supra memoratam, & quia foetus æquè facile per pedes ac per caput educi potest: & sæpè, quamvis infans in situ naturali collocatus sit, partus non subsequitur, quia vires matri defuerint, vel propter quiddam aliud incommodi; atque

* Heist. instit. chirurg. part. ii. sect. v. cap. 152. § 7. † Heist. ibid. § 157.
‡ Mauriceau des maladies des femmes grosses, liv. ii. chap. 21.

jam caput infantis, inter ossa pelvis fixum, partum per pedes difficiliorem redderet.

XXVIII. Si ad hæc (§ xviii ad xxviii) insuper accedant vitia matris (§ xi, xiii), tunc partus difficilior efficitur: nam matris vitia prius corrigenda sunt, deinde foetus per pedes, ut jam diximus, eximendus.

XXIX. Si hæmorrhagia, ut in abortionibus, vehemens sit; vel si mater convulsionibus afficiatur, aut debilis sit, tunc infans educendus est, * quamvis dolores partûs matri defint: os uteri gradatim aperiendum est sensim introducendo digitos & manum, quâ pedes infantis apprehendendi sunt, & foetus eximendus (§ xxii).

XXX. Si placenta & secundæ ab utero separatæ sint, quod facile per partis progredientis mollitiem vel hæmorrhagiam dignoscitur, † tum foetus illico per pedes educendus est, membranas unguibus rumpendo, & manum in uterum introducendo. At si ruptis membranis secundæ in meatum delabantur, ‡ eæ ante foetum eximendæ sunt. Si funis umbilicalis cum capite vel alia quavis corporis parte prolabatur, ** funis immittendus, vel foetus extemplo extrahendus, ne suppressâ sanguinis circulatione citò moriatur.

XXXI. Infans †† “ mortuus cognoscitur, si immobilis; “ si arteriæ umbilicales sentiuntur in funiculo umbilicali “ quiescere, maximè prope corpus infantis; si foetida ex- “ eant; si pondus ingens; si mater laborat tenesmo; si “ syncope; horripulatione, halitu graveolente; colore li- “ vido; si jamdiu elapsis aquis nondum pepererit; si epi- “ dermis promptè à cute, præcipuè capitis, secedat; si cutis “ foetûs flaccida, facilè separanda; ossa mollia & mobilia.”

Licet hæc omnia non concurrant, at si tot eveniant quot

* Mauriceau des maladies des femmes grosses, liv. 2. chap. 29. La Motte des accouchmens, liv. 3. chap. 6, 8, 12. † Mauriceau loco citato, chap. 28. ‡ Id. ibid. La Motte des accouchmens, liv. 3. chap. 15. ** Devent. ars obstet. cap. 38. Mauric loco citato, chap. 27. La Motte loco citato, chap. 14. †† Herman. Boerhaavii aphor. § 1318.

rem certissimam faciant, tum foetus per pedes, si possibile, extrahendus est (§ xxii): nam ingratum est infantem instrumentis dilacerare, & inde vulgi clamoribus & calumniis ansam præbere. Sed interdum ut disseccetur necesse erit, ut si foetus sit bicorpor, aut bina habeat capita, vel etiam insolitæ fuerit magnitudinis. Cæterum vir acris ingenii, quibus instrumentis ad partem obstantem separandam uti par sit, prout hanc vel illam partem obstare compererit, promptè dijudicabit, & pro vario rei statu diversam adhibebit operationem.

XXXII. Post enumerata tam multa in puerperio pericula, tamque varios morbos qui ex solis lochiis proveniunt, haud mirum videri debet, si & aliis aliunde ortum ducentibus puerperæ quandoque afficiantur. A resistentiâ, quæ ab infante fit utero se contrahente, atque à dilatatione quam os uteri & vagina in partu ferunt, hæ partes sæpè contusionem patiuntur; ita ut minuta vascula confracta liquores suos, præter debitam circulationis viam, apud interstitia vasorum effundant, quibus arteriæ comprimuntur & obstruuntur; dum interea circulationis vis, liquores versus partem obstructam propellens, inflammationem cum suis effectibus producit. Obstructio in quavis parte incepta facile eodem modo per alia vasa vicina propagari potest, donec totus uterus inflammatione corripiatur. Obstructio verò tanto pertinacior erit, quanto per subitam partium prius dilatatarum contractionem exacerbatur; quo magis liquoris extravasati densitas augetur, & arteriarum diametri minuuntur, cum interea earum initia multum præter solitum ampliantur: ita sanguis in partem obstructam majore impetu fertur; sicque inflammationem ultra modum intendit. Aliquando ex suppressione lochiorum similis oritur inflammatio, quæ vicissim lochia obstruit; ita alterum malum alterum advocat, & junctis viribus in partis ruinam conspirat.

Diagnosıs hujus morbi est, inferioris abdominis regionis distentio

distentio cum ingenti ardore & dolore, aliisque solitis contusionum & inflammationum symptomatis.

Inflammationis sedes atque ægræ imbecillitas morbi eventum atrociores reddunt.

Indicationes curativæ sunt, inflammationem resolvere, & lochiorum fluxum reducere; sicque suppurationes, gangrænæ, scirrhi, &c. prohibentur.

Ad primum scopum, in aliis inflammationibus, sanguis copiosè missus aliis quibusvis evacuationibus præstat: at in hoc casu, propter lochiorum suppressionem matrisque languorem, nisi symptomata gravissima urgeant, contraindicatur; mater enim jam debilitata evacuationem adeò celerem vix impunè feret, & porrò, dum (ea) revulsionem ab utero facit, lochiorum suppressionem auget, quorum fluxus restitutus inflammationem optimè compesceret: nam aliis uteri arteriis reſeratis, sanguinemque in ejus cavitatem evo-mentibus, aliæ cum istis per anastomofin conjunctæ humore suo distendente liberantur. Præcipuus igitur finis est materiæ hujus attenuatio, & vasorum occlusorum relaxatio, per emollientia, diluentia, aperientia, applicata in specie fotûs, cataplasmatibus, injectionibus, chlysmatibus, &c. Atqui, ut supra dictum est, si symptomata gravissima fuerint, & partis ruinam minitentur, ad phlebotomiam & purgationes antiphlogisticas, sicut in aliis inflammationibus, recurrendum erit; ad ægræ tamen vires, & fluxum lochiorum ciendum ratione habitâ: adeoque sanguis ex pedum potius crurumque venis, quam ex brachio colloque, mittendus.

Partus Cæsareus.

XXXIII. **Q**Uando mulieres modis ordinariis parturire non poterant, sectio Cæsarea, quamvis periculosissima, sæpenumero tum matres tum infantes conservavit. Hæc operatio perficitur, vel quando tum mater tum foetus vivunt; vel quando mater mor-

tua, sed foetus vivit; & è contrario. In primo tantum casu ea facienda est, quando sciz. transitus foetui negatur malâ ossium pelvis conformatione, vel præternaturali vaginæ & oris uteri coarctatione, ita ut nullo modo dilatari possint; dum interea prognostica benigna sint, quod mater aliter bene se habeat. Sed si vires illi defuerint, non peragenda est, nam in tali statu de salute matris ferè desperatur: “Nec subeunda species ejus, ut occisæ, quam fors ipsius interemit.*” Si foetus supervivat, statim post matris mortem excidendus est. Quando foetus in utero mortuus est, & manus vel instrumenta per vaginam introduci non possunt ad infantem evellendum, vel comminutum confecandum; aut si foetus in tuba Falopiana, vel in ovario, vel in ullo alio loco extra cavum uteri mortuus sit; tum ad matrem conservandam per sectionem Cæsaream educendus est.

Methodus hujus operationis ubertim descripta est apud Rosetum, Heisterum, aliosque.

Quæ in hoc novo & inusitato fofan themate illustrando dicenda habuimus, vobis expertis & clarissimis patronis meis omni quâ par est reverentiâ subjiciuntur. Nihil inde laudis mihi ipsi arrogare, nec vobis consilium dare, unquam in mentem venit. Eandem tantummodò libertatem mihi concessum iri, sententiam meam qualemcunque in medium proferendi, quâ Horatius in amicos usus est, ex nota vestra benevolentia & humanitate augurari liceat:

*Quamvis, Scæva, satis per te tibi consulis, & scis
Quo tandem pacto deceat majoribus uti;
Disce, docendus adhuc, quæ censet amicus; ut si
Cæcus iter monstrare velit. Tamen aspice, si quid
Et nos, quod cures proprium fecisse, loquamur.*

HORAT. epist. 17. lib. 1.

* Cels. de med. lib. 5. cap. 26.